



PEKELILING PENDAFTAR

Tarikh : 24 April 2018

Bil. 3/2018

Ruj : UMS/PEND2.1/100-1/7/2

PEMAKAIAN GARIS PANDUAN BAGI PEMBAYARAN YURAN KEAHLIAN BADAN PROFESIONAL/IKHTISAS UNIVERSITI MALAYSIA SABAH

1.0 TUJUAN

Pekeliling ini dikeluarkan untuk memaklumkan mengenai pemakaian Garis Panduan Bagi Pembayaran Yuran Keahlian Badan Profesional/Ikhtisas Universiti Malaysia Sabah.

2.0 LATAR BELAKANG

- 2.1 **Mesyuarat Pihak Berkuasa Pengurusan Universiti (PBPU) Bil.2/2018 (Siri 2) (Ke-221) pada 6 April 2018** telah bersetuju meluluskan Garis Panduan Bagi Pembayaran Yuran Keahlian Badan Profesional/Ikhtisas Universiti Malaysia Sabah.
- 2.2 Garis panduan ini disediakan bagi memaklumkan dan menjelaskan mengenai syarat dan tatacara pembayaran yuran keahlian badan profesional/ikhtisas bagi kakitangan Universiti Malaysia Sabah.

3.0 PELAKSANAAN

- 3.1 Garis Panduan Bagi Pembayaran Yuran Keahlian Badan Profesional/Ikhtisas Universiti Malaysia Sabah adalah seperti di Lampiran 1.
- 3.2 Maklumat lanjut boleh menghubungi Seksyen Perkhidmatan, Bahagian Sumber Manusia, Jabatan Pendaftar.

4.0 TARIKH KUATKUASA

- 4.1 Pekeliling ini berkuatkuasa pada 1 Mei 2018.

"BERTEKAD CEMERLANG"


NO'MAN HJ. AHMAD
Pendaftar

Tarikh : **24** April 2018

s.k.:

- Naib Canselor
- Timbalan Naib Canselor (Akademik dan Antarabangsa)
- Timbalan Naib Canselor (Penyelidikan dan Inovasi)
- Timbalan Naib Canselor (Hal Ehwal Pelajar dan Alumni)



UMS
UNIVERSITI MALAYSIA SABAH

**GARIS PANDUAN
BAGI PEMBAYARAN YURAN KEAHLIAN
BADAN PROFESIONAL/IKHTISAS
UNIVERSITI MALAYSIA SABAH**

Diluluskan Dalam Mesyuarat Pihak Berkuasa Pengurusan Universiti
(PBPU)
(06 April 2018)



GARIS PANDUAN BAGI PEMBAYARAN YURAN KEAHLIAN BADAN PROFESIONAL/IKHTISAS UNIVERSITI MALAYSIA SABAH

1.0 TUJUAN

Garis panduan ini disediakan bagi memaklumkan dan menjelaskan mengenai syarat dan tatacara pembayaran yuran keahlian badan profesional/ikhtisas bagi kakitangan Universiti Malaysia Sabah.

2.0 LATAR BELAKANG

- 2.1 Bayaran balik yuran keahlian badan profesional/ikhtisas adalah berdasarkan kepada keperluan pegawai untuk menjadi ahli sesuatu badan profesional bagi melaksanakan tugas hakiki dan rasmi di bawah peraturan/undang-undang yang berkuatkuasa mengikut profesi masing-masing.
- 2.2 Kemudahan ini diberikan sebagai satu insentif kepada pegawai-pegawai dalam menyalurkan kepakaran dan kemahiran seterusnya meningkatkan kualiti dalam kerjaya.

3.0 SYARAT-SYARAT KELAYAKAN

- 3.1 Syarat-syarat kelayakan bagi menuntut pembayaran balik yuran keahlian badan profesional/ikhtisas adalah seperti berikut:
 - 3.1.1 Kemudahan pembayaran balik sekiranya pegawai berkenaan diwajibkan berdaftar dengan badan-badan profesional/ikhtisas bagi menjalankan tugas hakiki dan rasmi serta dapat mengesahkan keperluan itu dengan akta yang berkenaan;
 - 3.1.2 Keahlian badan profesional yang diambil kira dalam garis panduan ini adalah yang berkaitan dengan keperluan berikut:
 - i) Penarafan Malaysia Research Assessment (MyRA)
 - ii) Keperluan program Ijazah profesional
 - 3.1.3 Tuntutan bayaran balik yuran keahlian hanya dibayar kepada SATU (1) badan profesional/ikhtisas dalam negara sahaja.
 - 3.1.4 Tuntutan bayaran balik keahlian badan profesional/ikhtisas luar negara tidak akan ditanggung oleh universiti.
 - 3.1.5 Taraf perkhidmatan pegawai yang layak menuntut adalah untuk pegawai tetap dan kontrak sahaja.

3.1.6 Sekiranya tuntutan bayaran balik yuran badan profesional/ikhtisas tidak tersenarai dalam tanggungan universiti kakitangan perlu mendapatkan pengesahan daripada Ketua Jabatan bagi menentusahkan badan profesional/ikhtisas tersebut adalah keperluan perkhidmatan yang memberi sumbangan dan impak kepada universiti sebelum mengemukakan kepada Bahagian Sumber Manusia.

4.0 JENIS-JENIS YURAN KEAHLIAN YANG DIBENARKAN

4.1 Yuran-yuran yang boleh dituntut bayaran balik daripada Bahagian Sumber Manusia, Jabatan Pendaftar adalah seperti berikut:

- (i) Yuran Pendaftaran; dan
- (ii) Yuran Tahunan.

4.2 Kekerapan pembayaran yang dibenarkan adalah seperti berikut:

Perkara	Kekerapan Bayaran
(i) Yuran Pendaftaran	Sekali sahaja sepanjang tempoh perkhidmatan
(ii) Yuran Tahunan	Setiap tahun

4.3 Bayaran lain seperti keahlian perpustakaan, langganan majalah/buletin tahunan/bulanan dan sebagainya adalah tidak dibenarkan;

5.0 TATACARA PERMOHONAN TUNTUTAN

- 5.1 Kemudahan ini diberi secara tuntutan bayaran balik yang disokong dengan resit rasmi asal yang dikeluarkan oleh badan profesional/ikhtisas yang berkenaan;
- 5.2 Kakitangan dikehendaki mengemaskini maklumat Keahlian Badan Profesional/Ikhtisas di dalam <http://staff.ums.edu.my>;
- 5.3 Pegawai mengemukakan permohonan bayaran balik yuran keahlian badan profesional/ikhtisas menggunakan (Borang Tuntutan Bayaran Yuran Keahlian Badan Profesional/Ikhtisas UMS) yang telah diisi lengkap dan mengemukakan kepada Bahagian Sumber Manusia, Jabatan Pendaftar;
- 5.4 Bayaran balik yuran keahlian adalah bagi tahun semasa sahaja. Tuntutan bayaran balik hendaklah dibuat dalam tahun kewangan semasa dan **tidak boleh ditangguh** sehingga melangkuh tahun; dan
- 5.5 Bayaran pendahuluan bagi tahun-tahun akan datang atau bayaran tunggakan bagi tahun sebelum tidak dibenarkan;
- 5.6 Tuntutan bayaran balik berdasarkan kadar yuran sebenar sahaja; dan
- 5.7 Satu salinan sijil keahlian berserta dokumen yang berkaitan.

6.0 SENARAI BADAN PROFESIONAL/IKHTISAS YANG DITANGGUNG OLEH UNIVERSITI ADALAH SEPERTI BERIKUT:

BIL.	BADAN PROFESIONAL/IKHTISAS
1.	Lembaga Jurutera Malaysia
2.	Majlis Perubatan Malaysia
3.	National Specialist Register (NSR)
4.	Malaysian Dental Council
5.	Institut Akauntan Malaysia
6.	Lembaga Arkitek
7.	Majlis Veterinar Malaysia
8.	Institut Kimia Malaysia
9.	Pharmacy Board
10.	Lembaga Jurukur Bahan
11.	Lembaga Jururawat
12.	Lembaga Pembantu Hospital
13.	Institution of Engineers Malaysia (IEM)
14.	Institut Geologi Malaysia
15.	Persatuan Kaunseling Malaysia (PERKAMA)
16.	Lembaga Kaunselor Malaysia
17.	Institute of Internal Auditors Malaysia
18.	Institute of Marketing Malaysia
19.	Malaysian Institute of Certified Public Accountants (MICPA)
20.	Malaysian Financial Planning Council – Registered Financial Planner (RFP)
21.	Financial Planning Association of Malaysia (FPAM)- Certified Financial Planner (CFP)
22.	Persatuan Penasihat Syariah Kewangan Islam Malaysia (ASAS)
23.	The Association of Chartered Islamic Finance Professionals (ACIFP)
24.	International Association of Information Systems (Malaysian Chapter) My AIS
25.	The Association for Information Systems - (Malaysian Chapter)
26.	Malaysian Institute of Management (MIM)
27.	Lembaga Perancang Bandar Malaysia (LPBM)
28.	Pertubuhan Arkitek Malaysia
29.	Pertubuhan Perancang Bandar Malaysia (APPM)